



PREDMET: Zamolba za podršku Fondaciji

Poštovani,

Prije svega zahvaljujemo se što ste me primili i saslušali o plemenitoj misiji novoosnovane Fondacije/Zaklade za obnovu i razvoj regije Vareš. Razgovori koje smo danas imali, dat će nam poticaj da ovu nakanu i ostvarimo uz pomoć i podršku prije svih vareških privrednih/gospodarskih subjekata koji u veoma teškim uvjetima posluju i stvaraju uvjete za zapošljavanje naših Varešaka, te tako pomažu i čine snošljiviji život onima koji su u Varešu!

Mislimo da ljubav prema svom zavičaju i korijenima može biti snažan motiv u svijesti naših sugrađana, ali potrebna je želja i htijenje da ga ponovno obnove i potaknu njegov razvoj na temeljima i tradicije koju Varešani nose u sebi još iz davne prošlosti, posebice od kraja 19.stoljeća kada je otpočeo snažan gospodarski i tehnološki razvoj prije svega rudnika i željezare.

I Vaša, uvažena firma, nastala je na navedenoj tradiciji i potakla je obnovu i razvoju ovoga kraja, u ovim teškim vremenima nakon rata i strašne devastacije vareške općine i nespornih vrijednosti iz njegove slavne prošlosti.

Vaša Firma u Varešu je danas respektabilna kompanija koja budi nadu ne samo stanovnika Vareša nego je pozitivan primjer koji daje za pravo i budi optimizam za napredak i brži razvoj Vareša ali i šire, Bosne i Hercegovine u cjelini.

Iz svega navedenog, sigurni smo da je i naša Zaklada/Fondacija institucija na istoj liniji razvoja i obnove ove regije i mogući primjer regionalnog razvoja utemeljen na tradiciji, sposobnosti ljudi i njihovog rada. S toga se nadamo, da ćemo uz Vašu podršku zajednički pokrenuti projekte, koji će pomoći da vareška regija bude primjer novog početka.

U skladu sa predhodno iznesenim, ne sumnjamo da ste spremni, kao ugledna tvrtka, i financijski podržati naše aktivnosti na ostvarenju ciljeva i zadaća ove institucije.

Za Vašu informaciju, željeli bi Vas upoznati da smo dobili i prva grant sredstva od Federalnog fonda za zaštitu okoliša za projekt, koji je u završnoj fazi, sanacije divljih deponija u Varešu.

Radi se i projekt zatvaranja općinske deponije u programskim aktivnostima Federalnog ministarstva okoliša i turizma u Sarajevu.

Općina je dala punu podršku ovoj instituciji, a nadamo se i značajna sredstva za realizaciju zajedničkih projekata!

S toga, bili bi zahvalni da nas podržite, a bankovne račune za uplatu sredstava podrške možete naći na našoj web stranici: [www.vares.fondacija.info](http://www.vares.fondacija.info) ili u zaglavlju ovog pisma.

Sredstava podrške za zajednički projekt koga Vi odaberete za financiranje a nalazi se u okviru programa rada Fondacije/Zaklade moći će te sami nadzirati u realizaciji, a po završetku projekta postaviti će se trajni natpis u obliku metalne table na kojoj će se napisati ime Vaše firme u znak zahvalnosti za Vaš doprinos i finansijsku podršku projektu!

Također, ovlašten sam u ime Fondacije/Zaklade da Vama osobno ili Vašem kompetentnom predstavniku ponudim da budete članom upravnog odbora i direktno učestvujete u realizaciji zajedničkih projekata.

Za Fondaciju bi to bila čast i zadovoljstvo !

S poštovanjem i osobnim uvažavanjem !

Predsjednik

Mladen Rudež

Prilog: Zaključci Okruglog stola